

Obično se dovoljno nahranjeno dojenče nakon obroka smiri i zaspi. Nedovoljno nahranjeno dojenče je nemirno i budno 1-2 sata po obroku i doima se gladno. Porast tjelesne težine manji od 170-230 grama sedmično za dojenče mlađe od 4 mjeseca premalo je i ukazuje na nedovoljno hranjenje. Nedovoljno hranjenje može dovesti do nenapredovanja.

Nenapredovanje može biti posljedica nedovoljnog unosa hrane, ali i ozbiljniji problem, što doktor saznaje iz detaljnog razgovora sa roditeljima. Dojenčad na prsima koja ne dobiva dovoljno na težini, valja u više navrata izvagati prije i nakon obroka kako bi se tačno odredila količina mlijeka koju dijete posiše. Pothranjenom dojenčetu koje se hrani umjetnom hranom (bočicom) valja povećati ukupni unos.